



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Consultationes Theologicæ Et Spirituales Christiani verè fidelis & verè devoti ...**

... De Excellentissimis Jesu Christi Dei-Hominis

**Louis François <d'Argentan>**

**Augustæ Vindel. ; Dilingæ, 1723**

**VD18 80217931**

§. I. Jesus Christus ets noster bonus Pastor.

**urn:nbn:de:hbz:466:1-45509**

Augusta cere  
monia inau-  
gurationis ip-  
sius tempore  
passionis sue.

Caput ipsius : Aspice, quam  
regia illius sit purpura ; est pre-  
tiosus sanguis, quo totum obdu-  
citur Corpus ipsius : aspice,  
quinam sint ipsius aulici, qui-  
nam stativi ipsius custodes ; est  
caterva satellitum & inimico-  
rum omni crudelitate in ipsum  
debaecantium ; & in egregio  
hoc apparatu, augustam celebrat  
inaugurationis suæ ceremoni-  
am : in hoc statu assumit titu-  
lum Regis ; quem in Thaboræo  
non assumpsit vertice, quem-  
que semper in toto vitæ suæ re-  
pudiaverat decursu : In magna  
hac die, & memoranda hac om-  
nium sæculorum actione, quæ  
regiam suam publicat dignita-  
tem, hujus vult titulum cunctis  
exaratum idiomatibus in throni  
sui affigi fastigio, & summè  
pomposum illius exhiberi spe-  
ctaculum in montis cujusdam  
vertice, in conspectu omnium  
nationum tempore paschali Je-  
rosolymis congregatarum : *Di-  
cite in nationibus, quia Dominus re-  
gnavit in ligno.* Evulgate per u-  
niversum orbem, & dicite cun-  
ctis mundi nationibus, quòd ex-  
altaveritis me super solium Re-  
gni mei.

Nunquam tam plenus Maje-

S. J. *Jesus Christus est noster bonus Pastor.*

Titulus Regis complectitur ali-  
quid tam gloriosum, tantam-  
que innuit potestatis amplitudi-

statis apparuit oculis Patris sui Oportet nos  
æterni : hic namque triumphare conformari  
vit de cunctis potestatibus infer. Regi nostro  
ni, de malitia peccati, deque Christo.  
omnibus adversariis gloriæ Dei  
Patris sui ; hic simul & semel re-  
portavit tot millionum millio-  
nes Regnorum æternorum, quæ  
dispertiri vult cunctis fidelibus  
subditis Imperii sui. Sic nostris  
expositus permanere vult ocu-  
lis in suis imaginibus per cuncta  
sæcula, non in loco aliquo par-  
ticulari ; sed vult videri ubique  
& collocari in editioribus Eccle-  
siæ suæ locis, ut ubivis & ince-  
santer aspiciamus nostræ felici-  
tatis originem, & manifestas in-  
finitæ bonitatis notas ab amabili  
Principe nostro nobis relictas ;  
habeamus insuper exemplar, jux-  
ta quod efformare nos studea-  
mus, ut grati animi exhibeamus  
ipsi significationem. Omnia ip-  
sius vulnera sunt totidem ora,  
quæ clamant ad nos voce pre-  
tiosi sui sanguinis : *Regis ad exem-  
plum totus componitur orbis.* Qui  
me amat, sequatur me, omnes-  
que Imperii mei fideles subditi,  
qui prosequuntur me amore, se-  
quantur vestigia mea, studeant-  
que assimilari mihi.

nem, ut nunquam non afferat  
aliquid timoris. Jesus Christus  
vult quidem hunc portare titu-  
lum,

Jesus Christus  
mavult vocari  
Pastor noster,  
quàm Rex no-  
stus.

lum, eòquòd sit congruum æ-  
quitati, ut vivamus semper in  
timore; magis tamen sibi com-  
placet assumere titulum Pastoris,  
ubi deposita Majestate, amor,  
bonitas, sollicitudo universum  
tenent Imperium, eòquòd nos  
esse velit sub manu sua, velut  
parvulos agnellos, quibus non  
sit nisi prompta submissio ad au-  
diendum vocem Pastoris, & sub-  
eundum iocum gubernationem,  
quique omnem suam collocant  
fiduciam, omnemque suam se-  
curitatem in custodia boni Pa-  
storis sui.

Joan. 10.

Nunquam dixit nobis: Ego  
sum Rex vester, quamvis fuerit  
reipsa; sed dicit nobis, & sæpius  
repetit, esse se nostrum Pastorem  
bonum; & non solummodò hoc  
dicit, sed id exercet officii, ac  
egregiè ipsius subit functiones.  
Bonus Pastor, inquit, vadit ante  
gregem suum, & oves ipsum se-  
quuntur. Nonnè ubivis ante-  
ivit nos, suis nos informans e-  
xemplis? Nunquam nobis præ-  
cepit quidquam, quod prior ipse  
non fecerit amore nostri.

Bonus Pastor cognoscit oves  
suas, & prospicit omnibus ipsa-  
rum necessitatibus, cuncta alia  
relinquit negotia, seque totum  
tradit custodiæ gregis sui; huc  
omnes suas dirigens curas, &  
omnem laborem suum, & in hoc  
solo omnem suam collocans feli-  
citem, & omne suum gaudium,

ut dilectus sibi grex nullâ afficia-  
tur incommoditate. Jacob idæa  
bonorum Pastorum in veteri Te-  
stamento, vigilabat perdius &  
pernox, omnesque tolerabat la-  
bores & molestias, ne minimum  
accideret malum gregi Laban  
foceri sui, cujus gerebat curam:  
*Die noctuque astu urebar & gelu, su-  
giebaturque somnus ab oculis meis. O  
quàm bonum Pastorem.*

Verùm quid sit hoc respectu Jesus Christus  
Jesu Christi erga nos? Ipse co-  
gnoscit nos perfectissimè, usque  
ad nostræ intima animæ, & abs-  
que comparatione melius, quàm  
cognoscamus nos nosmetipsos.  
Nunquam non suos in nos fi-  
git oculos, & nunquam nos è suo  
dimittit aspectu; omnes suas  
nobis impendit curas, omnes  
suas cogitationes, omnem suam  
sollicitudinem: ita ut renuntians  
omnibus aliis negotiis, toto vi-  
tæ suæ mortalis tempore, nun-  
quam vel unicum formaverit  
gressum, nunquam vel unicum  
pronuntiaverit verbum, nun-  
quam vel unicam conceperit co-  
gitationem, nunquam vel uni-  
cam perfecit actionem, nisi  
pro salute animarum nostrarum:  
ipse tam solerter curat ea, quæ  
nostra sunt, ut spondeat nobis,  
nec periturum capillum de capi-  
te nostro absque speciali provi-  
dentia suæ cura. Et si videre  
velis, quibus oneretur laboribus,  
ut sit bonus Pastor, aspice ipsius

PPPPP 3

affli-

afflictiones, ipsius jejunia, ipsius vigiliæ, ipsius lachrymas, ipsius persecutiones, ipsius dolores, sævislima passionis ipsius tormenta. An fuerit unquam tam bonus Pastor, qui ita amaverit gregem suum?

Bonus Pastor summè curat, ut ad bona pascua suam deducat gregem, vel meliora saltem, quæ regio subministraverit ipsi. **JESUS** Christus solus ille est bonus Pastor, qui attulit nobis è cælo suavissimum alimentum, quo nostras pascit animas, divinum Verbum suum, quod æternas includit veritates, quas è divini Patris sui hausit pectore. Sed contentus non est amor ipsius, nisi inauditum exantlet prodigium, quod nunquam alicujus creaturæ subisset mentem: vult ipsemet esse alimentum perdilecti gregis sui, manducandum nobis præbet proprium corpus suum, & potandum proprium sanguinem suum, vultque nos propriam suam nutrirî substantiam. Obstupescite omnes creaturæ, ad conspectum huius prodigii; deficite præ admiratione Angeli cæli; obmutescite, & extra vos abrepti intuemini hoc portentum homines mortales, & agnoscite, quòd impossibile sit videre unquam tam bonum Pastorem.

Bonus Pastor defendit gregem suum ab incurfu luporum, cunctarumque ferocium bestiarum,

quæ nocere illis possent, nunquam deserit illum in aliquo constitutum periculo; sed potius, quantò majus videt periculum, tantò magis sollicitus est custodire illum, suamque in illo benè custodiendo exponit vitam. Ah! nonnisi tu, ô amabilissime mi **JESU** Salvator, nonnisi tu cum veritate dicere potes: Ego sum Pastor bonus; totus infernus desæviebat in nos; omnia peccata, quæ pejora sunt dæmonibus, devorabant nos; **Justitia** Dei Patris tui meritò contra nos irritati conterebat nos in furore suo: & tu, Pastor optime, tu opposuisti te ad excipiendos omnes ictus, tu exposuisti propriam vitam tuam, & perdere voluisti te, ut à perditione servares nos omnes. **O incomparabilis Pastor!** ô fortunate nimium grex, qui defenditur protectione tam boni Pastoris!

Quando deseruit terram, ut **JESUS** Christus rediret in cælum, in sinum Patris sui, non deseruit curam dilecti gregis sui; sed potius tunc pastoralem suam congeminavit sollicitudinem. Siquidem ultra propriam suam vigilantiam, quam invisiбилiter semper assistere volebat ei, dedit in mandatis Apostolorum suorum Principi **S. Petro**, quem generalem suum instituit Vicarium, ut ejusdem intenderet gubernationi ac omnes partes Pastoris optimi solertissime

relinquit nobis Pastores loco sui, qui imitari ipsum debeant, & amare gregem suum.

mè

mè adimpleret. Sed talibus cum circumstantiis hanc illi concedidit, quæ luculentius quam unquam ostendebant affectum & amorem plûs quam paternum amantissimi hujus Pastoris animarum nostrarum.

Siquidem antequam committeret curam totius gregis sui sancto Petro, voluit certus esse de perfecto ipsius amore, trinisque vicibus interrogavit desuper ipsum: non, quòd de eo dubitaret, aspiciebat namque penetralia cordis ipsius; sed ut obstringeret ipsum ad respondendum manifestè, & cuncta agnoscerent sæcula, quid requirat in eo, cui curam concedit animarum, quas magis propriâ diligit vita. Petre, amas me? Domine, tu scis, quia amo te; pascere ergò oves meas, illarum tibi committo curam. Petre, amas me? Domine tu scis, quia amo te ex toto corde meo: pascere igitur agnosce meos, illorum te instituo Pastorem. Sed Petre, amas me? Ah! Domine, eccur hanc super te ita urges me? Tu vides intima cordis mei, tu nôsti, quòd amem te, plûs quam me. Benè ergò contentus sum, habe igitur curam totius gregis mei, illum tuæ committo custodiæ. Prima conditio, quam requiro à vero Pastore, est amor; secunda, est amor; & tertia perfectissimus est amor erga me, & hunc de-

monstrari ab ipso mihi volo in cura, quam assumet gregis mei.

Memineris Petre, quòd bonus Pastor non debeat amare se ipsum, sed ardentè amare debeat oves meas, quas ipsi committo: memineris, quòd oblivisci debeat sui ipsius, sua negligere commoda, seque exponere omnibus, etiam jacturæ sui ipsius, Officium boni Pastoris, ad servandum illas: id est, quòd debeat paratus esse vitam suam dare corporalem pro salute gregis sui; alias verus non erit Pastor, sed mercenarius. Sanctus Petrus institutus est ab ipso Jesu Christo Pastor universalis totius gregis sui cum hac conditione, & observavit illam tam benè, ut dedit vitam suam pro ovibus suis; & quasi omnes successores ipsius usque ad sanctum Sylvestrum suas ita dedere vitas, & sanctissimi evadere Martyres, ultra trecentos omnino annos. O Jesu amabilissime, Pastor animarum nostrarum! an igitur contentus non erat amor tuus sacrificasse te ipsum; sed sacrificat adhuc omnes veros Pastores, quos loco tui substituis nobis, ut moderentur nos: vult sufferre ipsos omnia, exponere se omnibus, etiam usque ad propriæ jacturam vitam ad procurandum salutem nostram: ita nimirum amas nos.

Mercenarii, falsi Pastores, vos non capitis idioma hoc, vos ama-

tis

as Christus  
inquit no-  
Pastores  
o sui, qui  
ari ipsum  
eant, & te  
e gregem  
u.

Defectus Pa-  
storis merce-  
narii.

S. Gregor.  
hom. 14.

tis vosmetipfos, & non gregem Domini vestri, magnam commodorum vestrorum geritis curam, & illarum negligitis salutem; vos pinguitèr pascitis corpora vestra illarum substantiâ, & mori permittitis illarum fame animas. Mercenarii vos ipsas deseritis, & fugitis, quando aspiciatis ipsas in periculo: non fugitis, quòd mutetis locum, sed quòd negetis, quod debetis ipsis auxilium, sicut sanctus Gregorius exprobrat vobis: *Fugit, non mutando locum, sed subtrahendo solatium, Fugit, quia iniustitiam vidit, & ta-*

*luit.* Fugitis, quia tacetis, dum videtis ipsas intra unguës lupi infernalis, dum ignorantia ipsas obcæcat, dum inordinati affectus ipsis dominantur, dum demones ipsas tentant, dum peccata ipsas occidunt. Videtis ipsas in deplorando hoc statu, & nullo ardetis zelo ad liberandum ipsas; parùm solliciti estis de bono ipsarum spirituali, modò temporale ipsarum vos maneat. Ah! mercenarii! vos ignavè fugitis, sed non fugietis semper, incidetis aliquando in manus Dei. E-heu! quid eveniet vobis?

§. 2. *Jesus Christus est nostra Lux, & verus noster Dux.*

Unus solus  
verus Deus,  
una sola vera  
lux.

Joan. I.

Sicut nonnisi unus est Deus, ita nonnisi una est veritas, & hæc veritas est Deus; ita nonnisi una est vera Lux, & hæc Lux est Deus. Jam Jesus Christus est solus hic Deus, hæc veritas, hæc Lux, Lux æterna, quæ magnum constituit æternitatis diem, in qua Deus videt pulchritudines suas, & sinè qua nihil videret. Ingens hæc Lux descendit de cœlo in terram, quæ crassis obvoluta erat tenebris; sed abscondit se sub nube carnis nostræ mortalis, non ut obscuraret, sed ut temperaret nimium suum splendorem, seque accommodaret nostrorum debilitati oculorum. Hæc sola vera est Lux, quæ illuminat omnem hominem, venientem in

*hunc mundum, sicut dicit Evangelium; & quicumque oculos non habet ad aspiciendum illam, cæcus est, quamcunque aliam lucem se putet habere. Intellige benè, quæ dicam.*

Nonnisi unus solus verus est Deus: In vanum imaginabatur sibi Gentilitas maximum falsorum Deorum numerum: quanto plures putabant se habere Deos, tantò minus habebant Dei; & quanto plus credebant se habere pietatis, tantò plus habebant impietatis; & quanto majorem putabant se dare Religioni splendorem, tantò minus habebant Religionis. Multitudo falsorum Deorum suorum erat nullitas Deorum suorum. In